

HIERONYMI
RAGAZONI
EPISCOPI BERGOMI
ORATIO

Ad Ampliſſimos S. R. E. CARDINALES, eorum iuſſu
habita, cum poſt obitum GREGORII XIV. ad
nouum Pontificem eligendum Conclauē
eſſent ingreſſuri VI. Kalend.
Nouemb. M. D. XCI.



ROMAE,
APVD PAVLVM DE DIANIS M. D. XCI.

*RR. DD. Vicarij S. D. N. Viceſgerentis, ac Magiſtri
Sacri Palatij Licentia.*



ORATIO HABITA

A HIERONYMO RAGAZONO

EPISCOPO BERGOMI

De Subrogando Summo Pontifice:



ERTIA hæc Oratio est, quæ, mensium
 quatuordecim tantummodo spatio, hoc
 eodem in loco habetur, de Summo
 Pont. in demortui locum subrogando.
 O magnum humanæ imbecillitatis ar-
 gumentum. O graue, & ponderosum,
 his præsertim calamitosissimis tempori-
 bus, supremi Apostolatus officium,
 quod anxias, noxiasque curas parit,
 vires opprimit, vitam adimit. In Oratione hac propositum mi-
 hi nullo modo est, Cardinales Amplissimi, leges vobis aliquas
 præscribere, præcepta tradere: Quis enim ipse sum, vel alius
 quisquam, qui Urbis, Orbisque Senatam, Ordinem augustissi-
 mum, viros vndique à Spiritu sancto selectos, & ad præcipua
 Ecclesiæ suæ munia obeunda segregatos, audeat instruere? Sed
 cum ego vestro iussu, atque imperio, quod mihi sanctum, &
 grauissimum est, semperq; erit, huc ascenderim, atque ad id
 oneris propterea, quemadmodum interpretor, adhibitus sim,
 vt, quod singuli diceretis, ipse, vestrum omnium nomine, pro-

feram; ea vobiscum breuiter meditabor, quæ profecto cogi-
tatis in cordibus vestris. Summus Pont. vobis diligendus est,
qui Christi Regis Regum, & Domini dominantium vices in
terris exerceat. Nulla res ab hominibus agitur, hac ipsa vel
excelsior, vel periculosior. Ars artium, & scientia scientia-
rum vere est, ex S. Gregorij Nazianzeni sententia, & alio-
rum, qui id quotidie tractant, experientia; Hominem, Ani-
mal omnium maxime varium, & multiplex, ad Deum, qui
stabilitas ipsa, atque simplicitas est, adducere. Episcopi onus
Angelicis humeris formidandum Sancti Patres existimant:
vt etiam ab ipsis Pastoribus diuina quaedam munera præstan-
da esse iudicant: Nam purgare, illuminare, accendere (quæ
à Sancto Dionysio Areopagita, omnium consensu Pastoribus
tribuuntur) humanam quidem certe facultatem, & conditio-
nem superant. Hæc vero si ad gregis vniuscuiusque Pasto-
rem, & Episcopum pertinent, ad eum profecto multo ma-
gis pertinebunt, cui non solum Populi, Agnorum, nemique,
sed etiam Pastores ipsi, sub Ouium Titulo, pascendi sunt. Ce-
teræ omnes dignitates, & Imperia angulum quendam in
terris amplectuntur: Hæc Pontificia potestas, & sollicitudo
globum hunc vniuersum comprehendit. Etenim cum nulla
sit natio, nulla gens, quæ in Christi Domini, ac Saluatoris
Nostri (cui omnia à Cælesti Patre suo tradita fuerunt) ditione
non includatur: curam item omnium ad eum spectare non est
dubitandum, qui eius personam sustinet: Vt Romani Pont.
studium, & officium non iis finibus, quibus Christus colitur,
sed quibus eius imperium extenditur, terminemus. Debitor est
omnibus summus Pont. vigilare vbique debet, vndique pro-
spicere, vt Christi Passio, quemadmodum pro omnibus per-
acta est: ita etiam omnibus profit. Non Italia solum, non etiam
Europa, quin neque horizonte hoc nostro eius auctoritas de-
finitur: sed quicquid Solis radiis collustratur, Iustitiæ Solis
Vicario cõmissum, & cõmendatum est. Altiora etiã conscendit
tanti Pontificis iurisdicção: nam Cælum quoque penetrat, cuius
clauiger est, & in quo rata habetur eius iudicia. Is bonos, atque

hæc

hæc præstas, quo altior, atque latior est, hoc periculosior est: rursus
electione existimare iure optimo oportet: Prædiximus enim, & sponsorem
forem, qui eligi, pro electione se quodammodo constituit: Vt si
præstare hominem quemcumque anceps res, & difficilis iudi-
catur, quid de illo dicemus, ex cuius arbitrio pendent vniuer-
sæ? Tam magno huius, & imminenti periculo occurrere vobis,
Patres Sapientissimi, paratos esse certo scio: audientemque
quid loquatur in vobis Dominus Deus: neque obduratum
cora vestra, fallacis, & fraudulentæ pectus cuius prudentiæ
regulis deceptos, quas penitentia statim consequitur: Lo-
quetur enim Pater misericordiarum, & Deus totius consolati-
onis pacem in plebem suam. Loquetur, vt semper solet, vici-
lial. Loquetur in Sancto Missæ Sacrificio, in pijs precationibus,
in spiritualibus colloquutionibus: suggeret vobis Pontificem,
qui pietatem colat, virtuti faueat, rerum Ecclesiasticarum,
atque etiam humanarum vsum teneat, vitia, & hæreses extir-
pare quam diligentissime studeat, pauperibus subueniat,
Christianam religionem propagare totis viribus nitatur: Exem-
plo, & doctrina luceat, & ardeat, super Candelabrum positus,
seruiens Populo Dei: Spiritualia temporalibus longe præferat:
Carni & sanguini non acquiescat: Hoc honorem non gloriatur,
memor illius, qui dixit: Eleuasti me. Sacrum Tridenti-
Concilium, in quo nonnullos ex vobis, Illustrissimi Card. atque
aliquos etiam ex his Reuerendissimis Patribus, quos ex hoc
loco conspicio, & agnoui, & in sententijs ferendis frequenter
secutus sum, vt executioni plano demandetur, inuigilet, præ-
cipue vero Pastorum Residentiæ, quo nihilo in Ecclesiâ Dei uti-
lius, nihil fructuosius, ac morum reformationi intédât diligenter,
neque hanc provinciam vnquam intermittat. Nam quæ admo-
dum, qui aduerso flumine nauigant, si remiges inhibuerint,
vnde discesserint, facile reuertuntur: ita ad malum prona vitæ
hominum in præceps ruit, nisi in officio, ac timore frequentibus,
ac quotidianis monitis, atque præceptis contineatur: atque illud
in primis hac in re Summus ipse Popt. cogitet, & mediteatur, ex-
terarum Ecclesiarum omnium oculos, & aures hic versari, hic habi-
tare,

rare & Romanam disciplinam observare, & contemplari ac
 rarissime, ut inde exempla sumant ad imitandum: ac multo ma-
 gis scandala posse ad demolendum, quam honestas actiones
 ad edificandum. Docebit vos idem Amator hominum Deus,
 Unigeniti Filij sui exemplo, non esse diligendum, qui maxime
 diligitur (ut de Ioanne Apostolo traditum est) sed in quo, qua-
 si in altero Petro; sit robur animi, & ad labores tolerandos, at-
 que etiam ad eiusdem Christi Crucem (si opus sit) perferendam,
 alacritas. Verbum abbreviatum denique ex hac divina voce
 percipietis, eligendum esse, qui Deum præ ceteris diligit. Qua
 de re tantummodo in Pastoralis illo examine interrogavit Pe-
 trus Saluator, & Magister Noster: cum illi eundem Gregem com-
 mendaui, qui nunc à vobis electo erit commendatus. Ex hac
 in Deum singulari dilectione, et ex vberissimo fonte dilectio
 in homines emanat, caritatisq. proprietates omnes ab Apo-
 stolo enumeratæ derivantur. Caritas virtutum omnium for-
 ma, ac prope anima est, ut probe nostis, Patres Sapientissimi:
 Prudentia enim, si eam absque caritate consideremus, in cal-
 diditatem degenerat; Fortitudo in temeritatem; Iustitia in cru-
 delitatem: Actiones omnes sine Caritate umbratiles sunt, aut
 certe infructuosæ. Lapis Lydius Caritas est; ad quem virtu-
 tes omnes, atque actiones, nisi quasi aurum probentur, adul-
 terinae fere existimantur. Præstantissimæ huius virtutis ardore
 flagrare vos, Cardinales Optimi, maxime credendum est, cu-
 ius insignibus ornati, & decorati estis. Neque vero hæc Summi
 Pontificis species, & forma, quæ descripta fuit, ac desideratur,
 eiusmodi est, ut in multis ex vobis, Cardinales Amplissimi,
 expressa non reperiatur. Seminarium semper fuit hoc Sacrum
 Collegium Summorum, Optimorumq. Pontificum; ut talium
 Virorum copia potius, quam inopia difficultatem, atque am-
 biguitatem pariat in eligendo. Sed non solum in probata, ve-
 rum etiam in celeri electione vestrae partes hoc tempore requi-
 runtur: quo periclitatur Gallia, Regnum nobilissimum, deplo-
 randum omnibus, sed ijs, qui illud viderunt, quàm maxime;
 augentur in dies, & propagantur hæreses, grassantur latrones,

oppida

oppida occupant; neque Episcopis parcunt; frugum inopia
tota Italia laboratur: Vt puncto temporis ne quid incommodi ac-
cidat, cui prouideri facile non possit; magnopere verendum sit.
Quod si Ecclesia Dei; Sponsa Christi, quam nunc vestris humeris
suffinentis; alloqui vos posset; hæc plane vobiscum ageret.
Vidua ego proximo Sponsi mihi dilectissimi obitu, vobis Filij à
Cælesti meo, immortalique Sponso tradita sum, vt me eius Vi-
cario denuo copuletis. Rugam, aut maculam nullam habeo,
sancta sum; formosa sum; mei similem Sponsum hic sequito; vt
liberos procreemus quam simillimos nostris: Præsenti hac me
viduitate angustijs multis premor, periculis afflictor. Festina-
te filij, Populo Dei Patrem, mihi Sponsum quam primum deli-
gite: Et quandoquidem vestræ auctoritati, ac tutelæ, quasi pu-
pilla commissa sum, meum solummodo commodum, & utilita-
tém, ceu fideles curatores; respicite: & vobis ipsis etiam hac
tantâ in re diligenter consulite; seuerissimam Diuini Iudicij
vindictam in huiusmodi electionibus à Summis Pontificibus
comminatâ, & vestrum eadem in re. iusurandû religiosissimè
præstitum extimescentes. Neque morituri paulo post Sanctissi-
mi, atque Innocentissimi Pont. Gregorij (cuius memoria in Be-
nedictione est) grauissimam ea de re admonitionem paterno
affectu, summoque amore prolatam, & omnium fere vestrum la-
crymis exceptam obliuiscamini. Verum hæc vos Patres magni
consilij, Diuinaque mente præditi, cumulate præstabitis; satisque
Deo, & Ecclesiæ, vestroque muneri facietis: exaudientur enim
ex altis preces vestræ, tum priuatae, tum hæc communes, & publi-
cæ, quæ profecto magis valent ad ea impetranda; quæ postula-
mus. Etenim, vt in nauis propellenda magni refert, si eodem
tempore remis incumbatur: & in trahenda machina quod sin-
guli non facerent, multi iunctis viribus. consequuntur: ita co-
pularis, & consentientibus animis multorum Diuina gratia fa-
cilis comparatur. Atque id quidem merito. Nam cum nulla
re magis oblectetur Rex Pacificus, quam pace, atque concor-
dia, societate hac precum delectatur maxime, quæ tot spiritus,
vnum efficit, voluntates coniungit, corda, mentesque congluti-
nat:

nat: Vt tanto conatui Cælū ipsum resistere vix, aut ne vix quidē
posse videatur. neque enim fieri potest, vt cōmunis hic consens-
us, religiosaque cōspiratio, armata præsertim precibus, impe-
diatur, quominus in propria conscendens, eo penetrēt; vbi est
sedes vnitatis, templum dilectionis, domicilium Caritatis:
Hoc telum imprimis dedit Deus hominibus, quo ille ipse, qui
dedit, vinceretur, & ad vota nostra conuerteretur. Hæ commu-
nium precum vires, atque impetus augentur etiam vehemen-
tius, cum Caritati Caritatem adiungentes, pro bono Reip: pro
Dei omnipotentis gloria (quæ in hac electione vestris votis, ac
postulationibus porissimum spectatur) precēs effunditis: His
igitur vestris precibus, & alijs, quæ Romæ, ac per totum Chri-
stianū Orbem Cælesti Patri hoc nōmine offerentur, iure opti-
mo sperandum est fore, vt non solum vestræ aures, Patres Re-
ligiosissimi, diuinis vocibus pateant: sed etiam, vt eis promptē,
ac celererrimè obtemperetis. Dixi ego, Cardinales Amplissimi;
quandoquidem audire me, pro vestra singulari humanitatē, ex
hoc loco voluistis. Nunc meas precēs (vt frequenter præterea
faciam) vestris adiungens: Ad te Pater superne, Rex altissi-
me, Cæli, & Terræ moderator, donorum omnium largitor, di-
gnitatumque distributor, à quo bona quæcumque emanant,
Deus, conuerto orationem meam, ac te, prostrato corde, hu-
milique animo precor per illum ipsum Christum vnigenitum
Filium tuum, cuius sanguine pretiosissimo, vt bonitatem, & cle-
mentiam tuam ostenderes, Genus humanum à sathianæ ty-
rannide liberaisti: Adesto, & sancto tuo spiritu Cardinalium,
seruorum tuorum fidelium mentes illumina, vt quid optimū sit
in hac tanta electione videant, & quod viderint, posthabitis,
ac reiectis humanarum rerum omnium affectionibus, quanto
citiùs exequantur. *Fiat, Fiat.*